

افانچ صویرا

محترم قارئلر،

مجله شرحنه مقدمه یازمغه جرأت ایده جک قدر حدناشناس دکلم . آنکچون بوسطرلری معاملاتنه متعلق احکام قانونیه مزک مکملیتنه بواحکامک اوروپا قوانین مدنیه سی احکامیه مقایسه سنه دائر جدی بر مطالعه بولمق فکر یله تعقیب اتمه یکنز بواثر مهمک تدقیقی مجله احکام عدلیه نک اساسلرینی احضار ایدن ذوات عالیه نک نه قدر بیوک بر ذکایه ، نه قدر واسع معلوماته ونه قدر درین بردهایه مالک اولدقلرینی اظهار ایده جکدر . بویابده عاجز قلملرک مطالعه بیان ایتلمی پک زائد اولور .

بواساسلرک اوروپا احکام مدنیه سیله مقایسه سنه کلنجه : بو اوقدر عظیم تبعاتی ایجاب ایدز اوقدر آغیر برایشدرکه هنوز هیچ کیمسه درعهده ایده مامشدر . بوراده نیم عهدۀ عجز وضعغه ترتب ایدن وظیفه ، وظیفه معززه ومقدسه ، مفتون کالاتی اولدیغم بر استاد محترمک حیات علمیه وساعیه سی حقنده برقاچ سوز سویله مکدر . بوسوزلرک بیله بویله ابدی

برآردە ير بولمغه لايق اولمديغنى بيليرم . فقط بونلرى بكا
سويلەتن حيايتك صافيت وخالصيتى معدور كورلمكلم ايچون پك
قوى برسبب تشكيل ايدر .

*
**

بوكون برنجى جلدی انتشار ایدن بو اثر اوتوز ستهك
برحيات علميهك محصول عرفان و تبعيدر . مؤلف محترمك
كرسى تدريسى اوكنده بولمق وبالخاصه كنديسى خصوصى
اوله رق طائيق شرفيله مفتخر ومباهى اولانلر بو حيايتك بتون
فضائل ومزاياسنى تقدير ايدرلر ، بو اثرك نه قدر جدى برسعى
ايله ، نه قدر قوى برعزم وجهند ايله يازلمش اولديغنه واقفدرلر .
كنج دماغلك تعليم و تربيه سى اغورنده چالشمغه ، متادياً
چالشمغه وقف ايديلن بو حيايتك سعيدن ، تبعدن ، خدمتن
بشقه بر نصيبى ، اوكرنوب اوكرتمكدن بشقه بر اندیشه سى
يوقدى .

ملككتك وجود معرفتنه دها بيوك ، پك بيوك خدمتلىر
ايدەجكى برسندە افول ايدن بو حيايتك پينده ترك ايتديكى نام
واجب الاحترام الى الابد تبجيل و تعزير ايديله جكدرد . اونك

سرمایه عرفان و کمالیدن مستفیض اولانلر آنجق بو صورتله
 دین شکرانلرینک پک کوچک بر جزئی اوده یه بیله جکلر در .

*
**

عاطف پک بو عصرک بیوک بر نحریری ، پک بیوک بر
 معلمی ایدی . برنجیسنه اثری بر برهان قوی ، ایکنجیسنه
 اغضای علییه سی میانده بولندیغی مکتب بر شاهد علویدر .
 فقط عاطف پک بو ایکی خصیصه نادره نك فوقنده اولمق اوزره
 بر بیوک مزیت و فضیلتی واردی که اوده کلمه نك بتون قوت
 معنائیه بر انسان اولسی ایدی . حیات تبعیه سنده کوچک بر
 لاقیدی ، حیات تدریسیه سنده کوچک بر ضعف ، حیات
 مأموریتنده کوچک بر نقیصه یوقدی .

حیات تبعیه سی مملکتک بتون پرستشکاران معرفتی ،
 حیات تدریسیه سی بتون طلبه علم و عرفاتی ، حیات انسانیه سی
 ایسه بتون ازباب ناموس و حمیتی کندیسنه مفتون و محبوب
 ایلمشدی . بو محترم و معزز استادی بزم آره مزدن آبییران او
 غیر منتظر ضربه مدهشه نك نه قدر درین تأسفات و تلهفات
 موجب اولدیغی بو کون حالا اونودلما مشدر ظن ایدرم . بز ،

اونك حیران فضائل و محاسنی اولانلر ، بونی اونو تمدق و هیچ
 بر زمان اونو تمیه جغز . بو حیاتلردن یالکز برینی صاف و پاک
 بر صورتده کچیره بیلیمك اگ بیوک بر موفقیت عد اولمغه لایق
 ایکن هپسنده نمونه تقلید و امثال اوله جق بر طریق سلامت
 و استقامت تعقیب ایلمك نه قدر شایان غبطه ، نه قدر تبجیلات
 و تقدیرانه احرادر !

محترم قارئلر ،

بو استاد فضیلت و معرفتک حیاتی حقنده بنم یازدینم سطرلر
 حقیقت قارشیسنده پک ضعیف ، پک سونو کدر . اونک حیات
 انسانیه سنی آ کلامق ایچون کندیسنی یقیندن طانیق ، حیات
 تدریسیه سی حقنده بر فکر صحیح ایدینه بیلیمك ایچون اونک
 کرسی خطابتی اوکنده ، تقریر سلیس و بلیغی قارشیسنده
 مسحور قالان طلبه سی ایچنده بولمق لازمدی . بو ایکی عالی
 شرفه مظهر اولانلر کندیلرینی بختیار عد ایتلیدرلر . چونکه
 بو خاطرلر پک علوی ، پک قیمتداردر !

معزز مملکت مزك بو بيوك اولادينه قارشى بزم ايفاسنه
 مجبور اولديغمز بر دين واردر كه اوده بو كون ساحه انتشاره
 حيقان بو ائردن بر خاطره شكر كذارى اولمق اوزره برر نسخه
 اخذينه شتابان اولمقدر . بويله جدى ومكمل بر اثر قارشيسنده
 لا قيد قالملى يز . معرفت پرور ، حق شناس اولديغمزى اثبات
 ايتلى يز . بر مملكتده آنجق يارم عصرده بر نشر ايديله بيلن بويله
 قصور سز بر ائرك كتابچيلرك جاملرى ايجنده اسكيمسنة مساعده
 ايتاملى يز .

رخصت مخصوصه سى استحصال ايدلمش اولان بؤ ائرك بر
 آن اول اكمال طبعى بزم رغبت مزه متوقف قدر . كتيبخانه مليمزك
 بويله بر اثر له بر آن اول تزينى ايجون بو رغبتى ابدال ايلملى يز .
 حتى ايجمزده مكتب شا كردانه توزيع ايتك اوزره يوز طاقم
 بردن اشترا ايتك كبي علوجناب كو ستر نلرده بولنمليدر . بز
 نانكور اولديغمزى آنجق بو صورته اظهار ايديه بيليرز .

مطبوعات عثمانيه يه ترتب ايدن وظيفه ده بو اثر نفيس
 ومهمك انتشاردن بتون قارئنى خبردار ايلمك ايجون متماً دياً
 اعلان ايلمكدر . اولاد مملكته بك بيوك خدمتلى ايدن بر ذالك

خاطر هسنه خادم مملکت عد اولنق لازم کلن مطبوعات هر کسدن


زیاده رعایت ایتلیدر دکلی؟

بن ده بوراده استاد محترم ومکر ممزک اولادلرینه بزى بویله

بر اثرله مسعود ومستفید ایتدکلی. اچون ایفای تشکر اندرک

سوزی کسیونم.

محمد جاوید



مجله جمعیتک مضبوطه سیدر

محاط علم عالی وکالتپناهی لری بیورلدینی اوزره علم فقهک امر دنیا به تعلق ایدن جهتی مناسکات و معاملات و عقوبات قسملرینه منقسم اولدینی کبی ملل متمدنه تک قوانین اساسیه سی دخی بو اوچ قسه تقسیم و معاملات قسمی قانون مدنی دیو توسیم اولنور فقط بو عصر لرده معاملات تجاریه پک زیاده توسع ایلمش اولدیغندن پولیچه و افلاس کبی پک چوق خصوص لرده قانون اصلیدن استثنا اولمش و بو مسائل استثنائی بی حاوی بشقه جه برده تجارت قانوننامه سی تنظیم قلمشدر که خصوصات تجاریه ده معمول به اولوب جهات سائرده ینه قانون مدنی به مراجعت قلیور مثلاً بر محکمه تجارتده تجارت قانونی حکمنجه رؤیت اولنان بر دعوانک رهن و کفالت و وکالت کبی بعض خصوصات متفرعه سنده قانون اصلی به مراجعت اولنه یور جراثمدن نشأت ایدن حقوق عادیه دعوا لرنده دخی بو منوال اوزره معامله ایدیلیور قانون مدنی به مقابل دولتعلیه ده قدیمأ و حادثأ پک چوق قوانین و نظامات یا پلمشدر و اگرچه بونلر کافه معاملاتک فصل و تسویه سنه کافی دکل ایسه ده علم فقهک معاملات قسمی بو خصوصه اولان احتیاجاته کافی و وافیدر و دعاوینک شرع و قانونه حواله سنجه بعض مشکلات کورلمکده ایسه ده تمیز حقوق مجلسلری حکامک تحت ریاستلر نده بولنه رق امور شرعیه بی شرعأ رؤیت ایتدکری کبی مجالس تمیزده نظامأ رؤیت اولنان ماده لر دخی آنلرک معرفتیله فصل و بو منلو مشکلر حل اولنمقده در شوقدر که قوانین و نظامات ملکیه تک اصل و مرجعی علم فقه اوله رق نظامأ رؤیت اولنان موادک دخی نیجه خصوصات متفرعه سی مسائل فقهیه به تطبیق ایله فصل و حسم اولنه کلوب مجالس تمیز اعضاسی ایسه مسائل فقهیه به مطلع اولمق لرندن کویا حاکم افندیلر قوانین و نظامات موضوعه تک خارجنده اوله رق مرافعاتی استدکری قابله دوکه یورلر نظریله باقوب بر

طاقم سوء ظناره زهاب ایلله کفتکویه باعث اوله بورلر . دولت علیه نك تجارت محکمه لر نده دخی تجارت قانوننامه هایونوی دستور العمل اولوب دعوانك تجارته تعلق اییمان خصوصات متفرعه سنده عظیم مشکلات چکلمکده در شویله که : اوروپا قانونلرینه مراجعت اولنسه چونکه بونلر بااراده سنیه موضوع قوانین اولدیغندن محاکم دولت علیه مدار حکم اوله ماز شرعه حواله اولدوقده دخی محاکم شرعیه او مثللو خصوصات متفرعه ده مراجعتی اساسندن طومتغه مجبور اولور . حالبوکه ایکی محکمه نك اصول محاکمسی اساساً مختلف اولدیغندن بالطبع ایشده چناللق پیدا اولدیغی جهتله بومثللو خصوصاتده محاکم تجارتدن محاکم شرعیه به مراجعت ایدیله میور محاکم تجارت اعضاسی کتب فقهیه به مراجعت ایتسون دینلورسه بودخی قابل دکلدر زیرا فن فقهیه انتساب خصوصنده آنلر دخی مجالس تمیز اعضاسیله هم حالدر علم فقه ایسه بر بحر بی پایان اولوب بونلر درر مسائل لازمه بی استنباط ایلله حل مسئله ایده بیلمک خیلدن خیلی مهارت و ملکه یه موقوفدر علی الخصوص مذهب حنفی اوزره طبقات متفاوتده پک چوق مجتهدلر کلوب اختلافات کثیره وقوعبولمش و فقه حنفی فقه شافعی کبی تنقیح ایدیله میوب پک متشعب و متشکلت اولمشدر ایشته بونجه اقوال متخالفه ایچنده قول صحیحی تمیز ایلله حوادنك اکا تطیقنده عظیم عسرت وارددر قالدیکه تبدل اعصار ایلله عرف و عاده مبتنی اولان مسائل فقهیه دخی تبدل ایدر . مثلاً قدمای فقها عندنده اشترا اولنه جق خانه نك بر او طه سنی کورمک کافیدر و متأخرین عندنده هر او طه سنی کورمک لازمدر بو ایسه عن دلیل بر اختلاف اولیوب بلکه انشآت حقنده عرف و عادتک اختلافدن نشأت ایتمشدر که مقدما خانه لرك هر او طه سی بر طرز اوزره یاپیله کلدیکندن بر او طه سنی کورمک سائرنی کورمکدن معنی ایتمش مؤخرآ خانه لرك او طه لری مختلف یابلمق عادت اولدیغندن هر او طه سنی کورمک

لازم کلمشدر حقیقت حاده لازم اولان کیفیت ایسه مقصد شرایه کورمه بر علم کافی حاصل ایتمکدن عبارت اولمسیله اصل قاعده شرعیه تغیر ایتمیوب فقط بونک حواده امر تطبیقی تبدل احوال زمان ایله تبدل ایدیور بو مثلواختلاف زمانی ایله اختلاف برهانی بینی فرق وتمیز ایتمک دخی خیلی دفته محتاجدر مسائل فقهیه بی احاطه ایله غورینه اطلاع ایسه بک کوچدر وبرارالق مسائل فقه حنفی بی جمع واحاطه ایتمک اوزره عصرک فقهها وفضلاسی جمع ایدیله رک تاتار خانیه وفتاوا ای جهانگیریه کبی کتابلر تألیفنه همت اولمش ایسه دینه بالجمله فروع فقهیه واختلافات مذهبییه حصر واحاطه ایدیله مامشدر وفی الواقع کتب فتاوی حوادیق قواعد فقهیه بیه تطبیقنه دائر ویرلمش اولان فتوالری حاوی مؤلفات دیمک اولوب حالبوکه بونجه عصر لردنبرو سادات حنفیه طرفدن ویرلمش اولان فتاوانک جمع واحاطه سی نقدر دشوار اولدیغی محتاج بیان دکلدنر بناء علیه (ابن نجیم) بر طاقم قواعد ومسائل کلیه بی جمع ایذک بونلرک تحتده فروع فقهیه علی وجه الاحاطه درج ایلمک یولنده بر کوزل چغیر آچمش ایسه ده آندن صکره کی عصر لرک عالم وفقیه تیشدیر مک یولنده اولکی سماحتی کوریه مدیکندن آنک اثرینه اقتفا ایله آچمش اولدیغی چغیری شاعراه ایده بیله جک ذاتلر ظهوریه بویولده بذل جهد ایلملرینه مساعد اولمامشدر وشمدی ایسه هر طرفده علوم شرعیه ده مهارتلو ذواته ندرت کلدیکندن محاکم نظامیه ده لدی الایجاب کتب فقهیه بیه مراجعتله حل شبهه ایده بیله جک اعضا بونلدر مق شویله طورسون ممالک محروسه ده کائن بو قدر محاکم شرعیه بیه کافی قضات بولمق مشکل اولمشدر .

بناء علی ذلك اختلافاتدن عاری ویالکنز اقوال مختاره بی حاوی اولمق اوزره معاملات فقهیه دائر سهل المأخذ بر کتاب یا پلسه هر کس قولایلقله مطالعه ایذک معاملاتنی اکا تطبیق وبویله مضبوط بر کتاب اولدیغی حاده

نائب افنديلره عظيم فائده سي اوله جنجى كجى مجالس نظاميه اعضاسيله امر اداره ده بولنان مأمورين دنخى بالمطالعه مسائل شرعيه به انتساب ايله لدی الايجاب ايشلرني وسعلرى مرتبه شرع شريفه توفيق ايدر لر وهم محاكم شرعيه ده معتبر ومرعى وهمده مجالس نظاميه ده حقوق دعوالرى ايجون قاتون وضعندن مستغنى اولور مطالعه سنه مبنى اوليه بر اثر جليلك وجوده كلسى خيلى وقتدن برو آرزو اولنور بر كيفيت اولوب حتى بونك ايجون مجلس تنظيمات دائره سنده بر جمعيت علميه تشكيل ايدلمش و خيلىجه مسائل يازلمش ايكن خيز فعله كله ميوب بودنخى (الامور مرهونه باوقاتها) حكمنجه تاسيسى اهم اولان بر چوق مواد خيريه كجى مغبوط اعصار اولان عصر محاسن حصر هايونه قابلمشدر .

موفقيت جليله حضرت پادشاهى ثمره فيض بهره سي اوله رق مشاهد عين افتخار اولان نونجه آثار حسنه ضره سنده بودنخى حصوله كلك اوزره علم فقهدن عصر ك احتياجاننه كوره روز مره ظهوره كلن معاملاتك تطبيقه كافي اوله بيه جك اوليه بر اثر خيرك وجوده كتير لمسى امر اهمى عاجز لرينه حواله بيورلمش اولديغندن بر موجب اراده عليه ديوان احكام عدليه دائره سنده بالاجتماع فقهك معاملات قسمندن كثير الوقوع ومعاملات عصره كوره بديهى الزوم اولان مواد حقه سادات حفيه نك اقوال معتبره سي جمع ايديله رك متعدد كتابلره تقسيم واحكام عدليه اسميله توسيم اولنمق اوزرد بر مجله ترتيبنه بالابتدار مقدمه سيله كتاب اولى ختام بوله رق بر نسخه سي ذات حقايق آيات حضرت فتوا پناهي به و پرلديكي كجى علم فقهده مهارت ومعلومات كافيه سي اولان ديكر بعض ذوات فخامه دنخى بر نسخه سي بالا عطا اولنان اخطارات اوزرينه تعديلات لازمه اجرا اولنقدنصكره تببيض ايله حضور حقايق ظهور وكالت پناهيلرینه عرض اولندي بونك لسان

عربی به نقل و ترجمه سی در دست اولدینی کبی دیگر کتابلر دخی جمع و تالیف اولنمق اوزره در .

بالمطالعه محاط علم عالی بیوریلورکه مقدمه نك ایکنجی مقاله سی (ابن نجیم) ایله آنک مسلکنه سالک اولان فقهانک جمع ایلدکری قواعد فقهیه اولوب حکام شرع بر نقل صریح بولمقجه یالکز بونلرله حکم ایده من لکن مسائل فقهیه نك انضباطنه کلی فائده لری اوله رق ارباب مطالعه مسائلی ادله سیله ضبط ایتش اولورلر و مأمورین سائره یه هر خصوصده مرجع اوله بیلور و بونلرله بر آدم معاملاتنی مهما امکان شرعه توفیق و تقرب ایده بیلور بناء علیه کتاب یا خود باب عنوانیسه یازلیوب مقدمه یه درج اولنمشر .

کتب فقهیه ده اکثریا مسائل ایله مبادی مخلوط اوله رق ذکر اولنمش ایسه ده بو مجله ده هر کتابه متعلق اولان اصطلاحات اول کتابک مقدمه سی اولمق اوزره ذکر اوله رق مسائل سازجه ترتیب اوزره یازیلوب فقط بو مسائل اساسیه بی ایضاح ضمننده مثال اوله رق کتب فتا وادن بر خیلی مسائل درج و علاوه اولنمشر فی زماننا جریان ایدن اخذ و اعطا اکثریا بعض شرائطه مربوط اولوب مذهب حنفی ده ایسه صلب عقدده در میان اولنان انواع شرائطک اکثری بیعی مفسد اولدینی جهتله کتاب البیوعک اک مهم مبحثی (بیع بالشرط) فصلی اوله رق جمعیت عاجزانه مزجه پک چوق بحث و مناظره بی موجب اولدیغندن مباحثات جاریه نك خلاصه سی بوجه آتی ایراد اولنمق مناسب کورلمشر (بیع بالشرط) حقنده اکثر مجتهدینک اقوالی یکدیگره مخالفدر مذهب مالکی ده مدت جزئیه ایچون و مذهب حنبلی ده علی الاطلاق بائع کندوسی ایچون میعهده منفعت مخصوصه شرط ایده بیلور لکن بائعهده بوصولحیت اولوبده مشتری طرفنده اولماسی رأی و قیاسه مخالف کورونیر امام اعظم رحمة الله علیه حضر تلیابه هم عصر

اولوبده مؤخرآ اتبائی منقرض اولان مجتهدلردن (ابن ابی لیلی) ایله
 (ابن شبرمه) رحمه الله علیهما حضرتینی دخی بوخصوصده یکدیگره ضد
 نام اوله رق برر رأیده بولنمشلردر شویله که : ابن ابی لیلی عندنده علی العموم
 بیع و شرط فاسد و ابن شبرمه عندنده علی الاطلاق هم بیع جائز و همده شرط
 جائزدر مذهب ابن ابی لیلی (المسلمون عند شروطهم) حدیث شریفه
 مابین کورونیر ابن شبرمه مذهبی بو حدیث شریفه تمامیه موافق ایسه ده .
 بائع و مشتری اجراسی جائز و قابل اولیمان شرطلر در میان ایده بیلوب .
 شرطه رعایت ایسه بقدر الامکان اولیق فقها عندنده مسلماتدن اولمیسه .
 شرطه رعایت مسئله سی تخصیص و استثنا قبول ایدر برقاعده در بناء علی ذلک
 مذهب حنفی ده بر طریق متوسط اتخاذا اوله رق بیعک شرائطی (جائز)
 و (مفسد) و (لغو) دیو اوچ قسمه تقسیم اولنمشدر شویله که : عقد
 بیعک مقتضاسندن اولیوب یا خود مقتضای عقد بیعی تأیید ایتمیوبده احد
 طرفینه نافع اولان شرط مفسد و اکا معلق اولان بیع فاسد اولور و بر
 طرفه نفعی اولیمان شرطه بیع صحیح و شرط لغودر زیرا بیع و شرادن
 مقصد تملیک و تملك خصوصی یعنی بلا مانع و مزاحم مشتریک مییغه و بائعک
 ثمنه مالک اولمی کیفیتدر حالبو که بر طرفه نافع اولان شرطک اجراسنی .
 اول طرف طالب و طرف آخر آندن هارب اوله رق منازعه یه مؤدی
 اوله بیلور . بو صورتده ایسه عقد بیع تمام اولماش دیمک اولور فقط
 عرف و عادت منازعه یی قاطع اولدیغندن علی الاطلاق شرط متعارف ایله
 بیع تجویز اولنمشدر . معاملات تجاریه بروجه مشروح ذاتاً مستثنا برحالده .
 اولوب اصنافک اکثریسنده دخی برر معامله متعارفه تقرر ایتدیکنه .
 و عرف طاری معتبر اولدیغنه نظر افسادی موضوع بحث اوله جق یا لکز
 برطاقم متفرق و متشتت آلیش و یریش ایدنلرک خارج از عرف و عادت
 ایتدکلری شرطلر قالوب بونلرک دخی چندان دکری و بحث کتورور یری .

اولدیغندن معاملات عصرک تیسیری ایچون مذهب حنفی نك خارجنده اوله رق ابن شبرمه مذهبنك اختیاری مناسب کورلیوب سیئر فصللرده اولدینی کبی باب اولک دردنجی فصلنده دخی مذهب حنفی اوزره بیعی مفسد اولیان شرطلرک بیانیه اکتفا اولمشدر .

الحاصل بوجله ده مذهب حنفیک خارجه چقلمیوب مواد مندرجه . سنک اکثری الحاله هذه فتواخانه ده معتبر و معمول به اولدینی جهته بونلر حقده بحثه لزوم کورولمز فقط ینه فقهای حنفیه دن بعض فحول ائمه نك اقوال معتبره سی ناسه ارفق و مصلحت عصره اوفق اولمق حسبیه اختیار اولمش ایدوکندن بونلرک ماخذ مقبوله و اسباب موجهه سی بوجه آتی بیان اولنور یوزطقسان یدنجی و ایکوز بشنجی ماده لر موجهه معدومک بیعی صحیح دکدر حالبوکه کل وانکنار کبی شکوفه و سبزه و میوه محصولاتی متلاحق الورود اوله رق بعض افرادی ظهنور ایتمدن دیگر بعض افرادی حصوله کلوب کچر اولدینی جهته اکثریا بومثلولرک ظهور ایتمش و ایده جک اولان محصولاتی طوبدن اوله رق صایلمق عرف و عادت اولمشدر و بو مثللو محصولاتده موجوده تبعاً معدومک دخی برابر اوله رق طوبدن صایلمستی (امام محمد بن حسن الشیبانی) رحمه الله علیه حضرتلری استحسانا تجویز بیورمش و (امام فضلی) و (شمس الأئمة الحلوانی) و (ابوبکر بن فضل) رحمه الله علیهم آنک قولیه ایتا ایتمش اولدقلرندن وناسی بومثللو عرف و عادتلرندن کچورمک قابل اوله میوب طلبوکه معاملات تامی فساده نسبتدن ایسه مهما امکان صحته حمل ایتمک اولا اولدیغندن بو مجله ده دخی قول محمد بالترجیح ایکوز یدنجی ماده آکا موافق اوله رق یازمشدر (صیره) مسئله سنده مثلا کیه سی شوقدر غروشه اولمق اوزره بر بیغین یغده ای صاتلقدده (امام اعظم) رحمه الله علیه حضرتلرینک عندنده بالکتر برکیه سی حقنده بیع صحیح اولور و امامین


رحمة الله عليهما عندلرندة اول بيغين تماماً ساتلمش اوله رق قاچ كيله چيقارسه
آكا كوره ثمنى ويرمك لازم كلوب معاملات ناسى تيسير ايتمك حسييله
صاحب هدايه كبي نيجه فقها دخى بو خصوصيده آنلرك قولنى اختيار
ايلمش اولدقلرندن ايكوزيكرمنجى ماده اول منوال اوزره تحريرقلمشدر
امام اعظم حضرتلرينك عندنده خيار شرطك مدتى اوچ كوندن زياده
اوله ميوب امامين عندنده ايسه هر قاچ كون مقاله اولنورسه جائز اولديغنه
بو خصوصده دخى آنلرك قولى حال ومصالحته اوفق كورلديكنه مبنى
اختيار اوله رق اوچيوزنجى ماده ده مدت مطلق اوله رق درج اولتمشدر
خيار تقيدده دخى بو اختلاف جارى اولوب بونده مدتك اطلاق خصوصنده
(امام محمد) عليه رحمة الصمد حضرتلرى منفرد ايسه ده مصلحت ناسه
اوفق اولمق حسييله آنك قولى اختيار اوله رق اوچيوز اون اوچنجى
ماده ده دخى فلان وقته قدر ديو مدت اطلاق اوزره براقلمشدر. امام
اعظم حضرتلرينك عندنده استناعاً منعقد اولان بيعدن مستضع رجوع
ايدى بيلور ايسه ده امام ابو يوسف رحمة الله عليه حضرتلرينك عندنده
مصنوع تعريفه موافق اولدني حالدده رجوع ايدى مزه. شمدي ايسه عالمده
يك چوق كارگاهلر ياپيله رق بونجه طويلر وتفكر و واپورلر مقاله
و سپارش ايله ياپديريله كلوب استناع كيفيتى مصالح جسيمة جاريه دن
اولسيه ميتصنيعك عقداستناعى فسخده مخير اولسى نيجه مصالح جسيمة يني
اخلال ايدى جكندن واستناع خصوصى خلاف قياس اوله رق عرف ناسه
مبنى استحساناً مشروع اولان سلمه مقيس وعرفه مستند بر كيفيت
اولديغدن مصلحت عصره نظراً امام ابو يوسف قولنك اختيارينه لزوم
كوريله رك اوچيوز طقسان ايكنجى ماده آكا موافق اوله رق يازلمشدر .
مسائل مجتهد فيهاده امام المسلمين حضرتلرى هر قنغى قول ايله عمل اولمق
اوزره امر ايدرسه موجبنجه عمل اولمق واجب اولديغدن معروضات

مبسوطه نزد حقایق وفد وکالتپناهیارینده دخی قرین تصویب بیورلدیغی
حالده مجله ملقوفه نك بالاسی خطهایون حضرت خلافتپناهی ایله توشیح
بیوزلق باینده .

فی ۸ ذی الحجبه سنه ۲۸۵ و فی ۱۰ مارت سنه ۲۸۵

عن اعضاء شورای دولت	مفتش اوقاف هایون	ناظر دیوان احکام عدلیه
سیف الدین	سیدخلیل	احمدجودت
عن اعضاء شورای دولت	عن اعضاء دیوان احکام عدلیه	عن اعضاء دیوان احکام عدلیه
محمد امین	سید احمدحلمی	سید احمدخلوصی

عن اعضاء جمعیت ابن ابیدین زاده
علاءالدین



مجلد احكام مسرت السيرة

دن

قواعد كلية فقهيه نك ايضاحي

مرحوم عاطف بك اريد

هر حقوق محفوظدر

مهرسز نسخه لر ساخته در

معارف نظارت جليله سنك في ١٢ حزيران سنه ٣١٦ تاريخ و ١٤٤
نومرولى رخصتنامه سيله طبع اولنمشدر

در سعارت

(محمود بك) مطبعه سى — باب على جوارنده ابوالسعود

جاده سنده نومرو ٧٢

١٣١٨

مجله احكام عدليه

بِسْمِ اللَّهِ الرَّحْمَنِ الرَّحِيمِ

مقدمه

ایکی مقاله بی حاویدر

مقاله اولی

علم فقهك تعريف و تقسیمى حقده در

« علم » مطلقا ادراك معناسنه در اكر نسبت تامه خبریه بی اذعان ایسه
تصدیق بویه دكسه تصوردر .

« فقه » فانك كسرى وقافك سكونى ایله لغه اكلامق معناسنه در
تعریف و تقسیمه متعلق مباحث و تفصیلات علم منطق و مناظره دن معلوم
اولور .

« علم فقه » فی الاصل اعملك اخصه اضافتی قیلندن اوله رق ترکیب
اضافی اولوب صکره تعریفی صد دنده بولندیغمز فن جلیله اسم قلمشدر .
بوکی اسامی فنونده مضاف و مضاف الیهی معاً ذکر ایتک جائز اولدیغی
کی یالکز مضاف الیه ایله بالا کتفا « فقه » دیمک دخی جائز اولور .

۱ ماده . — [علم فقه مسائل شرعیة عملیه بی بیلمکدر .]

علم فقه کبی بر فنک اسمی اولان علم اوج معنایه کلور . اولاً : اوفنک مسائلنی ادراک معنائه ، ثانیاً : نفس مسائل وقواعد معنائه ، ثالثاً : مسائل وقواعدی ادراکک تکررندن حاصل اولان بلکه معنائه اطلاق اولنور مثلاً علم فقه مسائلنی ادراک معنائه اطلاق اولنور که بجله نیک اشبو برنجی ماده سنده « علم فقه مسائل شرعیة عملیه بی بیلمکدر . » دیه تعریف اولنمدر کذلک نفس مسائل شرعیة عملیه به و مسائل مذکور به تعلق ایدن ادراکاتک تکررندن حاصل اولان بلکه به دخی اطلاق اولنور .

مسائل مسئله نیک جمیدر . مسئله بر مطلوبه دینور که انی اثبات ایچون منسوب اولدینی فنده اکا دلیل اقامه اولنور . و اوفندن مقصود اولور .

« شرعیه » شرعه منسوب دیمکدر که شرعدن مأخوذ و خطاب شارع موخوف اولان و « عملیه » عمله منسوب معنائه اولوب کیفیت عمله تعلق ایدن حکمردن عبارتدر .

احکام شرعیه یعنی شرعدن مأخوذ و خطاب شارع موخوف اولان حکمرا ایکی قسمدر . بری کیفیت عمله دیکری کیفیت اعتقاده تعلق ایدر بونلردن برنجیسنه احکام فرعیه و عملیه ، دیکرینه ، احکام اصلیه و اعتقادیه دینور .

احکام فرعیه و عملیه دن بحث ایدن علمه « علم فقه » و « علم شرایع و احکام » و احکام اصلیه و اعتقادیه دن باحث اولان علمه دخی « علم توحید و صفات » تسمیه و اطلاق اولنور .

احکام فرعیه و عملیه مکلفینک یعنی عقل و بلوغ صاحبی اولان انسانلرک افعالنه ترتب ایدمه جک و جوب ، صحت ، حرمت ، فساد کبی حکمردن عبارت اولوب احکام مذکورده بی بین اولان مسائله مسائل فقیه و مسائل شرعیة عملیه دینور اشبو تعریفده « مسائل شرعیه » قیدیه تقیید اولدینی جهتله مسائل عقلیه و اصطلاحیه و « عملیه » قیدیه تقیید اولدیننه بناءً مسائل اعتقادیه و اصولیه خارج قالدیه برق تعریف مذکور علم فقهک تعریف صحیحی اولور .

علم فقهک موضوعی و محمولاتی دخی بیلمک لازمدر . بر علمک موضوعی اولعلمه کندوسنک اعراض ذاتیه سندن بحث اولنان شیدر . فقهک موضوعی مکلفک فعلی

و محمولاتی، صحت، فساد، وجوب، حرمت، ندب، و اباحه کبی احکامدر. مکلف عاقل و بالغ اولان کسدر. مجنون و سبی کبی مکلف اولمیانلرک افعالندن علم فقهده بحث اولنسی ولی و وصیلری اعتباریله در مثلاً: بر مجنون برینک مانی اتلاف ابتدیی تقدیرده انک مالندن تلف اولان شینک ضمانیله تکلیف، مجنونک ولی و یا وصینسه اولور.

مکلف اولان انسانک هر بر فعلی ایچون بر حکم شرعی اولدیغندن و دار تکلیف دائم اولدیغجه و قوعات و حوادثک انقطاعی قابل و بونلرک جزئی اوله رقی احکامنی ضبط ممکن اولیه جفتندن فقها مکلف اولان انسانلرک اعمال و افعالیله بونلره ترب ایدن احکامی برر قضیه کلیه قیلمشلردر که موضوعلری افعال مکلفین و محموللری اباحه، کراهت، وجوب، و حرمت کبی احکام شرع منیردر. قضایای کلیه مذکورده علم فقهک مسائیلدر. مثلاً: «مدومی بیع باطلدر، قضیه سی بر مسئله فقهیه اولوب بونک موضوعی اولان بیع افعال مکلفیندن بر فعل و محمولی اولان بطلان فعل مکلفک عوارض ذاتیه سندن و احکام شرعیه دن بر حکمدر.

شوراسیده معلوم اوله که مسائل فقهیه بمضاً مسئله شکننده اولیه رقی و بعضاًده قضیه شرطیه اوله رقی ذکر اولنور. انجق مسئله شکننده اولیان قضیه حلیه و قضیه شرطیه بی مسئله صورته ارجاع ایلمک اربانه کوره کوچ دکدر. مثلاً: «عاقدين بعدالقدر رضالری ابله بیی اقاله ایده بیلورلر» دنیلدیکی حانده بوبر مسئله فقهیه در. فقط طوغریدن طوغری به مسئله شکننده ذکر اولنماشدر چونکه ذکر اولنان قضیه ده فعل مکلف اولان اقاله موجود ایسه ده احکام شرعیه دن بری بولنمیدنی جهته طوغریدن طوغری به مسئله اوله میوب بلکه مسئله شکل و صورته ارجاعه محتاجدر. بوقضیه «بعدالقدر اقدینک رضالریله بیی اقاله صحیحدر» شکنه ارجاع اولنورسه موضوعی افعال مکلفیندن و محمولی احکام شرعیه دن بر مسئله فقهیه اولور.

کذلک «بیع مطلق ابله ساتیلان بر مالک عیب قدیمی تبین ایدر ایسه مشتری مخیر اولور» قضیه سی مسائل فقهیه میاننده ذکر اولنمده ایسه ده طوغریدن طوغری به مسئله فقهیه اولیوب بر قضیه شرطیه در. قضیه شرطیه ایسه حقیقته مسئله اوله من. انجق قضیه مذکورده «بیع مطلق ابله ساتیلان بر مالک عیب قدینک تبینی صورتنده مشربینک خیاری ثابت و صحیحدر» صورته ارجاع اولنورسه موضوعی اولان خیاری افعال مکلفیندن و محمولی اولان صحت احکام شرعیه دن اوله رقی بر قضیه حلیه بر مسئله فقهیه اولور «مسائل فقهیه» یعنی علم فقهک تعریفنده ذکر